




বাংলাদেশ কনসুলেট জেনারেল  
টরন্টো, কানাডা



প্রেস বিজ্ঞপ্তি

১৫ আগস্ট ২০২২, টরন্টো

বাংলাদেশ কনসুলেট জেনারেল টরন্টোতে যথাযোগ্য মর্যাদায় ও ভাবগন্তীর পরিবেশে সর্বশ্রেষ্ঠ বাঙালি, স্বাধীন বাংলাদেশের মহান স্থপতি, জাতির পিতা বঙ্গবন্ধু শেখ মুজিবুর রহমানের ৪৭ তম শাহাদত বার্ষিকী ও জাতীয় শোক দিবস পালন করা হয়। কনসাল জেনারেল কর্তৃক সকাল ১০ ঘটিকায় জাতীয় পতাকা অর্ধনমিতকরণের মধ্য দিয়ে দিবসের কর্মসূচি শুরু হয়। এরপর বিকাল ৬ টায় রয়্যাল কানাডিয়ান লিয়েওন হলে এক আলোচনা সভা অনুষ্ঠিত হয়। অনুষ্ঠান সূচিতে ছিল পবিত্র কোরআন থেকে তেলাওয়াত, বাংলাদেশ ও কানাডার জাতীয় সঙ্গীত পরিবেশন, জাতির পিতা বঙ্গবন্ধু শেখ মুজিবুর রহমান এবং বঙ্গমাতা বেগম ফজিলাতুন নেছা মুজিবসহ ১৯৭৫ সালের ১৫ই আগস্টে নিহত সকল শহিদের স্মৃতির প্রতি গভীর শ্রদ্ধা জানিয়ে এক মিনিট নীরবতা পালন, জাতির পিতার প্রতিকৃতিতে ফুলেল শ্রদ্ধা জ্বাপন, জাতীয় শোক দিবস উপলক্ষে মহামান্য রাষ্ট্রপতি, মাননীয় প্রধানমন্ত্রী, মাননীয় পররাষ্ট্র মন্ত্রী এবং মাননীয় পররাষ্ট্র প্রতিমন্ত্রীর প্রদত্ত বানী পাঠ, জাতির পিতা বঙ্গবন্ধু শেখ মুজিবুর রহমানের জীবন, আদর্শ ও অবদান এর উপর প্রামাণ্য চিত্র ও বক্তব্য উপস্থাপন এবং বিশেষ মোনাজাত।

উপস্থিত বক্তাগণ তাদের আলোচনায় জাতির পিতা বঙ্গবন্ধু শেখ মুজিবুর রহমানের অসীম সাহসিকতা, দূরদৃশ্য ও বলিষ্ঠ নেতৃত্ব, স্বপ্ন ও আদর্শের উপর আলোকপাত করেন। সদ্য স্বাধীন যুদ্ধবিধিস্ত দেশে বঙ্গবন্ধুর সমগ্র জাতিকে নিয়ে সোনার বাংলাদেশ গড়ার সংগ্রামের কথা শ্রদ্ধাভরে স্মরণ করেন।

কনসাল জেনারেল জনাব মোঃ লুৎফুর রহমান তাঁর বক্তব্যের শুরুতে জাতির পিতার স্মৃতির প্রতি গভীর শ্রদ্ধা জানিয়ে ১৯৭৫ এর ১৫ই আগস্টের কালরাত্রিতে নির্মমভাবে নিহত বঙ্গমাতা বেগম ফজিলাতুন নেছা মুজিবসহ সকল শহিদের আত্মার মাগফিরাত কামনা করেন। তিনি বলেন, জাতির পিতার দূরদৃশ্য ও বলিষ্ঠ নেতৃত্বে বাঙালি জাতি পরাধীনতার শৃঙ্খল থেকে মুক্ত হয়ে পেয়েছে মহান স্বাধীনতা। বঙ্গবন্ধু অত্যন্ত অল্প সময়ের মধ্যে যুদ্ধবিধিস্ত দেশের পুনর্বাসন ও পুনর্গঠন কাজ সম্পন্ন করেন। তিনি মাত্র সাড়ে তিনি বছরে ১১৬ টি দেশের স্বীকৃতি আদায় এবং জাতিসংঘসহ ২৭ টি আন্তর্জাতিক সংস্থার সদস্যপদ অর্জনের মাধ্যমে সদ্য স্বাধীন বাংলাদেশকে নিজের পায়ে দাঁড়ানোর ভিত্তি তৈরি করে দিয়েছিলেন। কিন্তু ১৯৭৫ সালের ১৫ই আগস্ট স্বাধীনতা বিরোধী কুচক্রি মহল তাঁকে সপরিবারে হত্যা করে। জাতির পিতার স্বপ্ন বাস্তবায়নে তাঁরই সুযোগ্য কল্যা মাননীয় প্রধানমন্ত্রী শেখ হাসিনা ২০৪১ সালের মধ্যে বাংলাদেশকে একটি উল্লত সমৃদ্ধ দেশে পরিণত করতে নিরলস ভাবে কাজ করে যাচ্ছেন। বাংলাদেশের উন্নয়নের এই গতিধারা অব্যাহত রাখতে শোককে শক্তিতে পরিণত করে মাননীয় প্রধানমন্ত্রী শেখ হাসিনার নেতৃত্বে সকলকে একসাথে কাজ করার আহবান জানান।

সবশেষে জাতির পিতা বঙ্গবন্ধু শেখ মুজিবুর রহমানসহ ১৫ই আগস্টে নিহত সকল শহিদের আত্মার মাগফিরাত কামনা করে এবং দেশের অব্যাহত শান্তি ও সমৃদ্ধি কামনা করে মোনাজাত করা হয়।









